

JUNIOR SECONDARY CERTIFICATE

OSHINDONGA FIRST LANGUAGE

1105/1

PAPER 1 Reading and Directed Writing

2 hours

Marks 60

2018

Additional Material: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Candidate Number and Name in the spaces on the Answer Book.
- Write in dark blue or black pen.
- Do not use correction fluid.
- Answer **all** questions.
- Pay attention to spelling, punctuation and sentence structure.
- The number of marks is given in brackets [] at the end of each question or part question.

OMALOMBELO NOMAUYELELE KAALONGWA

- Nyola omayamukulo goye mEmbo lyOmayamukulo ndyoka wa pewa.
- Nyola Onomola yEkonakono nEdhina lyoye kEmbo lyoye lyOmayamukulo.
- Nyola nopena ombulawu nenge onduudhe.
- Ino longitha okadhimitho komeya.
- Yamukula omapulo **agehe**.
- Kotokela esipelo lyiitya, elongithonawa lyiileshitho netungo lyomatumbulo.
- Omwaalu gwiitsa ogwa gandjwa miikondekithombine [] konima yepulo kehe nenge yoshitopolwa shepulo.

This document consists of 7 printed pages.



Republic of Namibia

MINISTRY OF EDUCATION, ARTS AND CULTURE

OSHITOPOLWA SHA-A

Lesha nawa okahokololo taka landula, e to yamukula omapulo taga ka pulwa.

Esindano okewiliko ewanawa

Olundji nopendji aantu ohaa pewa iinakugwanithwa yi ili noyi ili, ihe otaa nyengwa oku yi gwanitha po. Etemba lyo lyene ohali vulu okuya montopo tashi vulika li kale lyaa na uukolele mulyo lyene nenge tali etelwa uunkundi konani yoposhikonko, oshoka omukulu gwonale okwa tile mwene gwiita ngele okwa mvumvu, nena iita ayihe otayi mvumvu.

Osikola yedhina Uuleli moshikandjolongo shaNyuulaye oya tseyika nawa molwiilonga yayo tayi hokitha. Elongo posikola mpaka olya kala tali ende nawa, kehe gumwe oku shi oshinakugwanithwa she. Elelo lyosikola olya dhiginine omikalo, onkene uunona auhe owa putudhwa kohenda nokegeelo ngaashi omwiimbi ta ti: Uuthemba waanasikola owa simanekwa, ihe oya uvithwa ko wo nkene ye na oshinakugwanithwa. Edhiginino lyethimbo, egwanithopo lyiinyangadhalwa, nesimaneko lyaakuluntu naanona, oya kala tayi dhana onkandangala onene.

Osikola oyi na ekwatathano itoo li pewa, pokati kaalongi naalongwa nopokati kaalongi naavali nomudhingoloko aguhe mOshitopolwa shElongo shaHangwena. Aavali kehe ethimbo okakaku oku udha evi okutala iilongadhalwa yaalongwa yo ya uve wo shoka tashi inyenge monkalo yoomvalo dhawo, opo ya uthe oshiti manga oshitalala. Olundji oya ningi omwiithanwa itaala pamwe oto ka pewa ondjembo, unene ngaa piigongi yaavali. Kombinga yaalongi otaa longo yaa na oluthuwo, kutya nee okonima yootundi, ehuliloshiwike nenge efudho shiti ota tekele mbundje, omanga omakwatho ga yooloka taga kunguluka okuza mpaka naampeyaka momudhingoloko.

Omumvo nomumvo epito olya kala tali dhana onkandangala onene posikola, ndele omapapa apehe mpo. Oosikola dhokiitopolwa yelongo yilwe ngaashi Oshikoto, Oshana nOmusati odha kala nokukondja ya tale wo ngele genongo taga fe gongombe, ihe otaa nyengwa okumona kutya ano oshiholekwa shosikola Uuleli oshi li naanaa peni. Oyendji ya tete ko omafufu gaakadhona, pamwe ogo taga piyaganeke eilongo lyawo, yo yamwe taa londeke ofuto yosikola, opo ya lande iikwathitholongo ya gwana, taa ningi ngaa waa kambadhala ku sindi.

Omimvo otadhi katuka tadhi endelele, ko oko ngaa koomvula tadhi ngoongola dha fa eshina li li kolutenda. Oomvula dhomukuluntusikola posikola Uuleli, omusamane Shagwana Nambili, odha adha pehulilo nokwa yi moshipundi shevululuko. Omumvo ngono opwa li uupyakadhi, oshoka omudhingoloko aguhe gwosikola ogu wete Nampongo e gu ekelahi, ihe aalongi oya li nomukumo gwokutsikila niilonga.

Pamulandu gwepangelo ngele omunashilonga a yi moshipundi shevululuko, pehala lye opu na okutulwa gulwe. Omalongekidho oga ningwa nomukuluntusikola omupe gwosikola Uuleli Combined School, omusamane Mahwanu yaHinyangelwa, okwa langekwa.

Omukuluntusikola mokutameka niilonga okwa li a nyanyukwa moku uva ondjokonona yiilonga yosikola nkene ya kala nokugwitha oyendji kiipundi. Osikola nonando oya li tayi monika yi li melandulathano ewanawa, ope na iinima oyindji mbyoka a li inaa nyanyukilwa. Okwa koneke omatalelopo gaavali ogendji unene; uunona tawu monika wa mbandamekwa nowa kuthwa uuthemba wawo nosho wo omukalo gwaaniilonga pamwe naye gwokuya mombelewa ye, unene aaopaleki, gwa mangeluka go gwaa na esimaneko noku wete pwa pumbwa elunduluko. Okwa tokola a ningile aakuthimbinga ya yooloka iigongi mbala a holole omadhiladhilo nomatokolo ge, oshoka sha kwatakwata osha nika edhilo.

Ndika olya li elelo (ewiliko) lyoshege oshoka aalongwa oya pitikwa okuthika konima yowili yimwe osikola ya hita nale opo shi kwathe mboka haa zi kokule. Aalongwa oya pewa wo epitikilo opo yaa geelwe nando inaa ninga iithigilwalonga, opo shi yambidhidhe mbono yaa na omalusheno komagumbo. Pethimbo lyokafudho aalongwa oya pewa okampito opo ya ka konge uushikependjewe wawo puundingosho wopopepi, oshoka posikola opu na ondjala. Aalongi oya takelwa omunwe kombinga yokulonga uunona konima yootundi, ehuliloshiwike nenge mefudho, oshoka otashi hepeke aalongwa mboka nayo wo ya pumbwa evululuko, osho wo okuthika komagumbo kuye. Shika osha li enyanyu enene kwaayehe mboka ye hole onyalo nevundakano, ihe osha tula muupyakadhi aalongwa ayehe mboka ye hole elandulathano niilonga.

Onkalo posikola oya lunduluka noonkondo. Efaulo olya ningi oshikwiila shesiku kehe okutya ngaa u gande iimbungu niinkundi oyi tokelelwa, iigongi yaalongi naavali kayi shi we ompito yokupaathana omayele nokukundathana ehumokomeho lyosikola, ihe oya ningi ompito yokwiifundila okavi. Aalongi posikola oto adha owala ye li muungundu wooyaali nooyatatu taye dhi tula pomahala manga aalongwa ya halakana ashike nolugumbo lwosikola; nomalugodhi mokati kaalongwa ga lundu.

Osikola Uuleli Combined School nando oyendji ye yi tseyo oyo hayi ya yotango, nena otayi monika yi li pevi lyomusholondondo. Koopelesenda 100% oya gu ko noopelesenda 80% e tayi ya koopelesenda 20%. Omuwiliki gwelongo, meme lihuna, nomutalelishikandjo, tate Twalulilwa, oya li ya kumwa keshunopevi lyiizemo mbyoka noya kunkilile osikola yi longwe nuudhiginini yi vule okwaadha oopelesenda 50% omumvo gwa landula ko. Yamwe yomaavali mboka taa lalakanene omaluvalo gawo ga ka kale sha moshigwana konakuyiwa oya li yu uvithwa nayi komalunduluko ngaka noya tembudha po aanona, manga yamwe yomaalongi aawanawa ya tembukile koosikola dhimwe. Oshindji osha pumbwa okuningwa opo osikola Uuleli yi galukile kuuwanawa.

Hogolola eyamukulo lyomondjila komapulo taga landula. Nyola owala onomola yepulo nondanda moka mu na eyamukulo lyomondjila. Oshiholelwa: **1 D**.

1 Osikola Uuleli oyi li moshitopolwa shElongo shini?

- A** Oyi li mOshitolwa shaHangwena.
- B** Oyi li mOshitopolwa shaMusati.
- C** Oyi li mOshitopolwa shaShana.
- D** Oyi li mOshitopolwa shaShikoto.

[1]

2 Onkambadhala dhini dha ningwa koosikola dhokiitopolwa yilwe okunawapaleka iizemo yadho?

- A** Odhokuningila aakuthimbinga iigongi.
- B** Odhokupitika aalongwa ya thike ya tokelwa.
- C** Odhokupitika aavali ya tale iilonga yaanona.
- D** Odhokuteta ko omafufu gaakadhona.

[1]

- 3 Omolwashike onkalo yosikola Uuleli ya li ya lunduluka noonkondo sho pwe ya omukuluntusikola omupe?
- A Oshoka okwa li ta lele osikola noshege.
- B Oshoka aalongi kaya li nomukumo.
- C Oshoka osikola okwa li hayi piti nawa.
- D Oshoka aavali oya li haya talele po osikola olundji. [1]
- 4 lizemo yosikola Uuleli oya kuluka noopelesenda ngapi?
- A oopelesenda ethele
- B oopelesenda omilongo hetatu
- C oopelesenda omilongo mbali
- D oopelesenda omilongo ntano [1]
- 5 Osikola Uuleli oya kala nokumona omakwatho taga zi peni?
- A Oga kala taga zi kaalongi yoposikola.
- B Oga kala taga zi momudhingoloko gwosikola.
- C Oga kala taga zi komukuluntusikola.
- D Gwosikola oga kala taga zi koomwene gwomukunda. [1]
- 6 Oshike sha li sha nyanyudha omukuluntusikola omupe sho a tameke niilonga?
- A edhiginino lyethimbo.
- B egwanithopo lyiilongadhalwa.
- C ekwatathano ewanawa lyaavali nosikola.
- D ondjokonona ombwaanawa yiilonga yosikola. [1]

[6]

Oshilongadhalwa 2

- 7 (a) Tya **Osho** nenge **Hasho** komatumbulo taga landula:
- (i) Ewiliko lyaNambili olya li lya simaneka uuthemba waanasikola. [1]
- (ii) Aalongi ayehe oya tembuka po posikola pUuleli. [1]
- (iii) Osikola Uuleli oyi li moshikandjolongo shaNyuulaye. [1]

- (b) litya yi li mu-**A** yi tsitha kumwe nuutumbulo wu li mu-**B**. Nyola owala onomola yepulo nondanda moka mu na eyamukulo lyomondjila.

A		B	
(i)	efaulo	(a)	ohaya pewa ontaku ya nwe
(ii)	aalongi	(b)	kehe ethimbo okakaku oku udha evi
(iii)	aavali	(c)	olya kala momukunda Onyuulaye
		(d)	olya ningi oshikwiila shesiku kehe
		(e)	oya takelwa omunwe

[3]

[6]

Oshilongadhalwa 3

- 8 (a) Okokutya ngiini:

- (i) Ya tale ngele genongo taga fe gongombe. [1]
 (ii) Waa kambadhala ku sindi. [1]
 (iii) Sha kwatakwata osha nika edhilo. [1]

- (b) Omatumbulo taga landula ga nyola metegwathimbo:

- (i) Omalongekidho oga ningwa komukuluntusikola. [1]
 (ii) Aantu otaa nyengwa okugwanitha po iinakugwanithwa. [1]

- 9 Elelo olinipo wa panda lyomaakuluntusikola mbaka yaali wa zi nokulesha mokaleshwa haka? Shi koleka niitsa **itatu**.

[3]

[8]

[20]

OSHITOPOLWA SHA-B

Lesha nawa okaleshwa taka landula, opo u vule okuyamukula omapulo taga ka pulwa.

Kalunga shono e ku nunina ihe shi li po

Andohangame omusamane a kala momukunda Ontokolo popepi noongamba dhaNamibia naAngola. Okwa li e na omwanamati Kandisheetha, ngono pevalo lye pwa ndhindhilikwa e eleka oku ka kala omunandunge, shono shu ulikwa kokulila kwe kwotango.

Aavali ye oya kala noku mu pukulula aluhe ngele a hala okuninga iinima yowala. Shaa tuu e li naanona aakwawo aluhe ohe ya lombwele nkene ta ka landa ohauto ye nota ka hokana omukulukadhi gwe omunashilonga. Ohe ya lombwele wo nkene egumbo lye a hala li ka kale nombili nelandulathano.

Kandisheetha osho a temeke osikola ihe kali ha eta mo sha, molwashoka okwa li e na omutse omukukutu. Nonando oha lesa ta kondjitha, aluhe okano owala ha etelele. Okwa undulwa sigo omondondo ontihetatu nosha li she mu yemateka unene. Mookuundulwaundulwa ngeyi mosikola okwe ki ikonda mo. Konima yokafudho kotango komumvo mosikola ina galukila mo we, Kandisheetha a tsu mo dhaKaribib hono kwa kala hekulu mumwayina gwayina. Okwa temeke nokuli okukonga iilonga esiku tuu ndyono a penduka moKaribib. Elago omuntu e li na Kandisheetha a ende omupadhi gwelago nokwa thikila ta mono iilonga mehangano lyoonamunate lyedhina Coca Cola. Iilonga mbika okwa li hayi mu futu nawa nokwa kala a nyanyukwa. Iimaliwa ye okwe yi pungula nawa, opo a ka gwanithe po shono sha kala momadhiladhilo ge. Konima yoomvula dhontumba, onkalo yomoshilando osho ye mu nyenge e tayi mu dhimbitha iilalakanenwa ye.

Esiku limwe omolwondumbo aaniilonga aakwawo yamwe oya pangele opo ye mu fale momeya noongaku. Oya lombwele Kandisheetha ya ka talele po kegumbo lyagumwe gwomaaniilonga aakwawo, naKandisheetha okwa li woo e shi nyanyukilwa noonkondo oshoka aluhe konima yezimbuko oha kala owala megumbo oye awike. Sho ya thiki, mukwawo omo ye mu adha, naasho e ya mono okwa li ta nyata evi, e wetete ondunge yawo ya sindana. Oya temeke okudhenga ondhungo yaMungolo sigo ye ya yi moongolo. Kandisheetha mondjato ye osho a yi mo oonyala opo a lande omalovu. Okwe ga futu naanaa ndele ta kotha mo thilu shoka ha dhiladhila. Yakwawo oya li ye wetete nkene ye shi mana nando inaa lya omuntu. Kandisheetha osho a ningi ombwii yomalovu nokakaya, mbeya aafuko ihe ya toka meho. Esiku omwedhi tagu si oloyo esiku hi ihulu oshimaliwa meke. Kandisheetha etemo osho e li gwitha momupini molwokunwa kwe, ha pilamene iilonga pomasiku gekwato nando uule woshiwike. Hekulu e mu kumagidhile, ndele kemanya ku za wo ontsi.

Kandisheetha osho a dhiladhila okushuna kegumbo ihe ke na iimaliwa yolefa. Kuhekulu okwa tila ko, oshoka sho a li ta kumagidhwa iha pupu ko. Hekulu naye osho a lulilwa e ti ikutha oshimaliwa a futile omutekulu olefa, opo a ye kevi lyiimpungu.

Mondjila okwe ende ta gu omapoli. Sho ya thiki mOshakati okwa kwata olefa a ye kOntokolo. sho a thiki megumbo, aavali oya li taa lili oosa dhomwana ina saa. Oya pulwa okayuhwa okaluudhe thoko, kaake na nando okayala. Sho inaa ka mona oya dhiladhila po ishewe ondunge yimwe ye mu kongele omuhungimwenyo, pamwe genongo taga ka fa gongombe. Shilishili konima yomwedhi iiyimati iiwanawa notayi hokitha oya holoka. Kondingosho iha yi ko we, mbeya aafuko nondjodhi ihe ya lala we. Edhiladhilo lyokuhokana ndyono lya kala mo muye olya koko nokwa pula a kongelwe okakadhona.

Osha kala eipulo enene kuye lyaampono ta adha omambambi opo a hokane. Kalunga iha etha aantu ye. Esiku limwe sho a yi kOshakati, okwa piti mepandaanda limwe e ti itsu metungo lyaCoca-Cola. Omuniilonga gumwe ya longele naye koKaribib okwe mu dhimbulula nokwe mu ithana. Sho ya paathana omahokololo, omuniilonga okwa ka popya naFolomana, opo a pe Kandisheetha iilonga. Molwashoka omwa li mwa pumbwa omuniilonga, Kandisheetha okwa mono ishewe iilonga, nokwa kongo okakadhona ke kokapangi.

Aavali ye moku shi mona oya li ya nyanyukwa shambishi megumbo mwa tselwa. Konima kehe gumwe okwe ki ilombola nokuli. Kandisheetha osho a hokana. Inaya kala mo unenemohe, oya ka ninga egumbo lyawo mondoolopa yaShakati. Onkalo oya kala tayi ya endeke nawa. Kandisheetha osho ya landa ohauto yawo. Kalunga okwe ya pa wo omagano guunona une aamati naakadhona. Egumbo ndika olya kala lya yambekwa kOmuwa. Ohole, ombili nelongelokumwe oyo yi li shikwiila shesiku kehe megumbo ndyoka sigo onena.

Oshilongadhalwa 1

- 10 Pakaleshwa omaupyakadhi geni ga ka adha Kandisheetha sho a yi koKaribib? Gandja **gatatu**. [5]
- 11 Posikola yeni ope na omulongwa e na omutse omukukutu ngaashi naanaa gwaKandisheetha, noha dhiladhila okweetha po osikola. Niitsa **itatu** popya nkene to mu kwatha. [4]
- 12 Pamadhiladhilo goye oshike wa tala tashi vulu okukaleka onkalamwenyo yoye muuwanawa? Shi holola niitsa **ine**. [6]
- 13 Ando ongoye wa li omuvali gwaKandisheetha ngono a zi kuushimba nonkalo tayi limbilike, ando owe mu kwtha ngiini? Shi ulika niitsa **itatu** ya yela nawa. [5]

[20]

Oshilongadhalwa 2

- 14 Ngoye omulongwa posikola yontumba, oto nyengwa kiilongwa yoye yosikola. Omathimbo gamwe oho dhiladhila okuthiga po osikola. Owa tokola u tseyithile gumwe gwomaalongiskola yoye ngoka wi inekelela uupyakadhi mbu. Nyola nduno oonkundathana dheni wu mu hololele uupyakadhi woye.

Omupopi kehe na popye iikando **ine** inaamu kwatelwa omapopithathano.

[20]